

MODICÆ  
DEVOTIONIS  
SCINTILLÆ

*Ad Sanctissimum*

PATRIARCHAM ET  
ABBATEM  
ROMUALDUM  
Camaldulensium  
FUNDATOREM,

*Complēctentes*

Parvum Officium, Hymnos,  
Orationes, Responsorium, & devotè  
compositas ejus Litanias, cum Appendice  
Sextendialis & Decendialis Devotionis  
ad eundem.



VIENNÆ AUSTRIÆ,  
Typis Mariæ Teresiæ Voigtin, Viduæ,  
Universitatis Typogr. 1726.

*Ad. v. d. d.*



OFFICIUM PARVUM

*Sanctissimi Patris Nostri*

ROMUALDI,

*AD MATUTINUM.*

- V. Domine labia mea aperies.  
 R. Et os meum annuntiabit laudem tuam.  
 V. DEUS in adiutorium meum intende.  
 R. Domine ad adjuvandum me festina.  
 V. Gloria Patri, & Filio, & Spiritui sancto.  
 R. Sicut erat in principio, & nunc, & semper,  
 & in sæcula sæculorum, Amen.  
 Alleluja, vel laus tibi Domine Rex  
 æternæ gloriæ.

*Hymnus.*

**L**ucis aspectus dubiè refulgens  
 Incipit noctis tenebras fugare  
 Lucidas celsi Pater almus ædes  
 Intrat Olympi.  
 Ociùs membrîs meditemur ergò  
 Pellere è nostris placitum soporem.  
 Et super cœlum sacra Romualdi  
 Facta feramus.  
 Stirpe præclara satus hic recenti  
 Laude, quæ priscam decorat Raveñam,  
 Incolas inter decus est adeptus  
 Majus ab astris.  
 Dum

Mill. 21

Dum Puer sylvis cupidus vagatur

Hic ait: Christi famulus relictis

Sæculi curis, superum Parenti

Serviet aptè.

Gloriam Patri tribuamus omnes:

Gloriam Christo memores salutis:

Gloriam Sancti, tibi concinamus

Ignis amoris.

*Antiphona.*

Ubicunque per sylvas amænum locum  
reperire poterat, mox se ad eremi deside-  
rium ejus animus accendebat.

ŷ. Ora pro nobis sancte Romualde,

℞. Ut digni efficiamur promissionibus

Christi.

*O R E M U S.*

**C**Lementissime DEUS, qui maximo Mo-  
nasticæ disciplinæ, atque Eremiticæ vi-  
tæ Restauratori ROMUALDO perituras mun-  
di delicias pro tui Nominis amore despice-  
re tribuisti: Ejus nobis intercessione con-  
cede, ut contemptis sæculi curis tibi soli  
vivere mereamur; Per Dominum nostrum  
JESUM Christum Filium tuum, qui tecum  
vivit, & regnat cum Deo Patre in unitate  
Spiritus sancti Deus, per omnia sæcula sæ-  
culorum, Amen.

*AD PRIMAM.*

ŷ. Deus in adjutorium meum intende.

℞. Domine ad adjuvandum me festina.

☩. Gloria Patri, & Filio, &c.

☩. Sicut erat in principio, &c. Allel. &c.

*Hymnus.*

**S**ic Dei multo celebranda cultu  
 Præcinit mirus fera lustra vates  
 Sic Piæ gliscunt tenero latentes  
 Pectore flammæ;

Ecce cognatum stimulus ira  
 Sergius fundit genitor cruorem  
 Ad pias natus fugit, & paternas  
 Deserit ædes.

Martyr & primus Patriæ Sacerdos  
 Hic bis antiquo è tumulo resurgens  
 Visus est illi pia ferre templi  
 Thurra per aras;

Gloriam Patri tribuamus omnes:  
 Gloriam Christo memores salutis:  
 Gloriam Sancti, tibi concinamus  
 Ignis amoris.

*Ad usum S. Michaelis  
 C. M. Antiphona.*

Inclite Confessor Christi, Camaldu-  
 Iensium Pater & Dux ROMUALDE, intercede  
 pro nostra, omniumque salute, ut tuis ad-  
 juti precibus regna cœlestia consequamur.

☩. Ora pro nobis sancte Romualde.

☩. Ut digni efficiamur promissionibus  
 Christi.

O R E M U S.

**C**lementissime Deus, qui maximo Mo-  
 nasticæ disciplinæ, atque Eremiticæ vi-  
 tæ

tæ Restauratori ROMUALDO perituras mundi delicias pro tui Nominis amore despice-  
re tribuisti: Ejus nobis intercessione con-  
cede, ut contemptis sæculi curis Tibi soli  
vivere mereamur; Per Dominum nostrum  
JESUM Christum, &c.

AD TERTIAM.

Ÿ. Deus in adjutorium meum intende.

R. Domine ad adjuvandum me festina.

Ÿ. Gloria Patri, & Filio, &c.

R. Sicut erat in principio, &c. Alleluja.

Hymnus.

(Cta

**C**laustra, quo aspectu attonitus se in ar-  
Conjicit, sævas maris hinc per undas  
Vectus æternæ Duce sub Marino  
Militat aulæ.

Cellâ inclusus filet, atque Parcum  
Fontis infusum latici legumen  
Sumit & longas prece pertinaci  
Decipit horas.

Moribus mentem decorans honestis  
Corpus intorto lacerat flagello:  
Ingemunt artus, animo alta cœli  
Gaudia libat.

Gloriam Patri tribuamus omnes:  
Gloriam Christo memores salutis:  
Gloriam Sancti, tibi concinamus  
Ignis amoris.

*Antiphona.*

Per continuum annum nullum alium  
habuit cibum, nisi tantum per singulos dies  
unum pugillum ciceris elixi.

✽. Ora pro nobis sancte Romualde.

℞. Ut digni efficiamur promissionibus  
Christi.

*O R E M U S.*

**C**Lementissime Deus, qui maximo Mo-  
nasticæ disciplinæ, atque Eremiticæ vi-  
tæ Restauratori ROMUALDO perituras mun-  
di delicias pro tui Nominis amore despice-  
re tribuisti: Ejus nobis intercessione con-  
cede, ut contemptis sæculi curis Tibi soli  
vivere mereamur, Per Dominum, &c.

*AD SEXTAM.*

✽. Deus in adjutorium meum intende.

℞. Domine ad adjuvandum me festina.

✽. Gloria Patri, & Filio, &c.

℞. Sicut erat in principio, &c. Alleluja.

*Hymnus.*

**I**Ncolas format nemorum, docetque  
Nos viam tuto pede inire Patrum,  
Qui palestinos coluere saltus,  
Quique canopi.  
Præsciis casus aperit futuros  
Abstrahit sæcli laqueis Potentes  
Et jugum Christi tumefacta cogit  
Colla subire.

Hoc pio flexus monitore Petrus  
 Patriæ linquit malè parta Regna,  
 Nec Crucis Christi generosa pondus  
 Terga recusant.

Gloriam Patri tribuamus omnes:  
 Gloriam Christo memores salutis:  
 Gloriam Sancti, tibi concinamus  
 Ignis amoris.

*Ant.* Accenso mentis desiderio cœpit de  
 virtutibus in virtutes mirabiliter crescere.

✠. Ora pro nobis sancte Romualde.

℞. Ut digni efficiamur promissionibus  
 Christi.

O R E M U S.

**C**lementissime DEUS, qui maximo Mo-  
 nasticæ disciplinæ, atque Eremiticæ vi-  
 tæ Restauratori ROMUALDO perituras mun-  
 di delicias pro Tui Nominis amore despice-  
 re tribuisti: Ejus nobis intercessione con-  
 cede, ut contemptis sæculi curis Tibi soli  
 vivere mereamur; Per Dominum, &c.

AD NONAM.

✠. Deus in adjutorium meum intende.

℞. Domine ad adjuvandum me festina.

✠. Gloria Patri, & Filio, &c.

℞. Sicut erat in principio, &c. Alleluja.

*Hymnus.*

**A**Rduum nudis pedibus cacumen  
 Appuli montis, scelus ut nefandum  
 Expiet, jussis adigit verendis  
 Scandere Ottonem.

Sanat ægrotos , stygis atra pellit  
 Monstra vi vocis penetrantis astra  
 Arborem cellæ vetat incidentem  
 Tangere tectum.

Ignis extinguit rapidi furorem  
 Et rates servat prece fluctuantes.  
 Regii vatis referat docente  
 Numine carmen.

Gloriam Patri tribuamus omnes :  
 Gloriam Christo memores salutis :  
 Gloriam Sancti , tibi concinamus  
 Ignis amoris.

*Antiphona.*

Erat quasi unus de Seraphim, quia flammâ  
 Divini amoris incomparabiliter æstuabat.

Ÿ. Ora pro nobis sancte Romualde.

℞. Ut digni efficiamur promissionibus

Christi. *O R E M U S.*

**C**Lementissime DEUS, qui maximo Mo-  
 nasticæ disciplinæ, atque Eremiticæ vi-  
 tæ Restauratori ROMUALDO perituras mun-  
 di delicias pro Tui Nominis amore despice-  
 re tribuisti; Ejus nobis intercessione con-  
 cede, ut contemptis sæculi curis Tibi soli  
 vivere mereamur; Per Dominum, &c.

*AD VESPERAS.*

Ÿ. Deus in adjutorium meum intende.

℞. Domine ad adjuvandum me festina.

Ÿ. Gloria Patri, & Filio, &c.

℞. Sicut erat in principio, &c. Alleluja.

*Hym-*



*Hymnus.*

**A**Ntè bis denos obitum diémque  
Prævidens annos, referat locúmque,  
Et sacro tempus satagit supremum  
Claudere fine.

Lustra bis vitæ & duodena mensus,  
Et Deo centum famulatus annos,  
Claustra tres inter, reliquósque vastas  
Inter Eremos.

Plenus in cœlum properat dierum  
Spiritus cujus nive puriorem  
Antè conspectum superum Parentis  
Angelus offert.

Gloriam Patri tribuamus omnes:  
Gloriam Christo memores salutis:  
Gloriam Sancti, tibi concinamus  
Ignis amoris.

*Antiphona.*

Cùm cæpisset ejus corpus magis, ma-  
gisque molestiis ingravescere: noluit ta-  
men Vir sanctus in lecto decumbere.

℣. Ora pro nobis sancte Romualde.

℞. Ut digni efficiamur promissionibus  
Christi.

*O R E M U S.*

**C**Lementissime DEUS, qui maximo Mo-  
nasticæ disciplinæ, atque Eremiticæ vi-  
tæ Restauratori ROMUALDO perituras mun-  
di delicias pro Tui Nominis amore despice-  
re tribuisti; Ejus nobis intercessione con-  
cede,

cede, ut contemptis sæculi curis Tibi soli  
vivere mereamur; Per Dominum, &c.

*AD COMPLETORIUM.*

✽. Convertete nos Deus salutaris noster.

℞. Et averte iram tuam à nobis.

✽. Deus in adiutorium meum intende.

℞. Domine ad adjuvandum me festina.

✽. Gloria Patri, & Filio, &c.

℞. Sicut erat in principio, &c. Alleluja.

*Hymnus.*

**O**Mnium gaudet procerum coronis  
Angeli pura specie refulget,  
Et Prophetarum fruitur per alta  
Regna decore.

Martyrum Palmas rapit absque ferro,  
Utque Confessor rutilat, catervis  
Virginum septus nivei pudoris  
Præmia sumit.

Dive, quos liquit tua magna virtus  
Da sequi nobis monitus, tuisque  
Gressibus nostras vigili labore  
Jungere plantas.

Gloriam Patri tribuamus omnes:  
Gloriam Christo memores salutis:  
Gloriam Sancti, tibi concinamus  
Ignis amoris, Amen.

*Antiphona.*

Post legitimos labores exactos tandem  
feliciter requievit; & solitariam vitam so-  
licitario sine conclusit.

✽. Ora

ſ. Ora pro nobis ſancte Romualde.  
R. Ut digni efficiamur promiſſionibus  
Chriſti.

O R E M U S.

**C**Lementiſſime DEUS, qui maximo Mo-  
naſticae diſciplinæ, atque Eremiticæ vi-  
tæ Reſtauratori ROMUALDO perituras mun-  
di delicias pro Tui Nominis amore deſpice-  
re tribuiſti; Ejus nobis interceſſione con-  
cede, ut contemptis ſæculi curis Tibi ſoli  
ſervire mereamur; Per Dominum, &c.

*Commendatio filialis ad beatiſſi-  
mum Patrem*

ROMUALDUM.

**O**bfecro te, beatiſſime Pater ROMUALDE  
dilecte Dei, perfectus in charitate  
cœleſti, Pater inquam & Magiſter Eremi-  
tici propoſiti, Pater, qui ſanctam Eremum  
Ordinẽmque noſtrum Camalduli per my-  
ſterium cœleſtis Scalæ inſtar Jacob Patriar-  
chæ tibi cœlitũs oſtenſum Domino noſtro  
JESU Chriſto benedicto in altis montibus  
ſacrãſti, ut nos famuli tui calcatõ ſæculõ  
diſcamus, per humilitatem Religionis aſ-  
cendere in montem contemplationis, quæ  
eſt janua Scalæ cœlorum, & ut ſedentes ad  
pedes Domini cum MARIA fundere ſtu-  
deamus, ſicut aquam cor noſtrum antè con-  
ſpectum

spectum sanctissimæ Trinitatis, ut misereatur nostri Omnipotens Pater, & Angelorum nos præsidio cum Jacob muniat. Obsecro inquam, te beatissime Pater, memor esto omnium Camaldulensium tuorum, ac totius Christianæ gentis. Deprecare etiam pro me indigno servo tuo, ut illuminet me radius gratiæ Spiritûs sancti. Quatenus fordibus omnibus mentis, & corporis expurgatis universis bonis, ac sanctis virtutibus exornet. Sic verò in dilectione Dei & Proximi cum vera Religione, fide, spe, & charitate, & humilitate, & mansuetudine me exerceam, ut ad eam cœlestis montis contemplationem me aliquando rapientiam, quâ te hîc olim rapi consuevisti dum inhians in superna fluentia fontis vitæ, quasi totus in lacrimas resolutus æstuante in te ardore Divini amoris clamabas ad dulcissimum Dominum JESUM: *Chare JESU, chare; mel meum dulce, desiderium ineffabile, dulcedo Sanctorum, suavitas Angelorum: & his similia multa proferebas, in júbilo, comendoque tibi, piissime Pater, animam meam, corpus, & spiritum meum, vitam, & finem vitæ meæ, commendo tibi etiam exaltationem universæ sanctæ Catholicæ Ecclesiæ, extirpationem hæresum, unionem Christianorum Principum, Imperatorem nostrum NN. totamque Serenissimam Do-*

mum



Sancta Maria,  
 Sancta Dei Genitrix,  
 Sancta Virgo Virginum,  
 Sancte ROMUALDE,  
 Tu Ordinis Camaldulensis aurora ex-  
 urgens,  
 Tu sanctis desideriis se ad Deum de ter-  
 ra Aquila extollens,  
 Tu de mundo ad solitudinem Turtur  
 avolans,  
 Tu omnium tibi devotorum Pelicane  
 fidelissime,  
 Tu in deserto virtutibus omnimodis  
 Oliva fructifera,  
 Tu in exemplum supra montem Divinae  
 contemplationis Urbs collocata,  
 Tu supra candelabrum Ecclesiae Catho-  
 licae Lumen lucidissimum,  
 Tu in fornace multarum tentationum  
 Aurum probatissimum,  
 Tu in rebus maxime arduis Abraham  
 obedientissime,  
 Tu in ærumnis & afflictionibus Isaac  
 patientissime,  
 Tu ad caelos supra Scalam in albis scan-  
 dentes viros conspiciens Jacob,  
 Tu ex Aegyptiaca hujus mundi servitu-  
 te innumeros populos in terram  
 Religionis promissam conducens  
 Moyses,

Ora pro nobis.

Tu

Tu per sanctæ Crucis signum Aaron pro-  
 digiose,  
 Tu in scelerum correptione Josue in-  
 trepide,  
 Tu ab Angelis in Eremo Elias cibate,  
 Tu Deum ac Dominum tuum sæpiùs lo-  
 quentem auscultans Samuel,  
 Tu substantiâ pauper, pietate verò Na-  
 both ditissime,  
 Tu tam in prosperis, quàm adversis in  
 Divinam voluntatem Jacob resi-  
 gnatissime,  
 Tu aquâ unum tuorum à lepra mundans  
 Elisee,  
 Tu pro Dei honore & Ejus Domo Da-  
 vid zelantissime,  
 Tu adversùs tartara Samson fortissime,  
 Tu contra furorem tuorum persecuto-  
 rum Petra immobilis,  
 Tu sancti Spiritûs scholaris facte,  
 Tu moribus & vita Angele modestis-  
 sime,  
 Tu à dæmonibus vexatos defendens  
 Michaël,  
 Tu peccatoribus salutem annuntians  
 Gabriel,  
 Tu lanquentibus medelam afferens Ra-  
 phael,  
 Tu Ordinis tui Paradisum solertissime  
 custodiens Cherubim,

Ora pro nobis.

Tu

Ora pro nobis.

Tu amore Dei ardentissime Seraphim,  
 Tu Camaldulensium omnium Patriar-  
 cha gloriosissime,  
 Tu rerum plurimarum Propheta mira-  
 bilis,  
 Tu Catholicam fidem indefessè depræ-  
 dicans Apostole,  
 Tu continuò pro Christo moriendi de-  
 sideriò Martyr ineffabilis,  
 Tu opere & verbo Christiani dogmatis  
 Confessor inclite,  
 Tu Doctor à cœlo ipso designate & in-  
 structe,  
 Tu corpore & anima Virgo castissime,  
 Tu ex hac vita in gaudio cygnus dece-  
 dens,  
 Tu ob continua post obitum miracula  
 Phœnix è scineribus iterum renate,  
 Tu qui inter vivos cœlestis Jerusalem  
 lapides ineffabiliter rutilas,  
 Tu Patrone noster & Protector,  
 Sanctissime ROMUALDE,  
 Agnus Dei, qui tollis peccata mundi, Par-  
 ce nobis Domine.  
 Agnus Dei, qui tollis peccata mundi, Ex-  
 audi nos Domine.  
 Agnus Dei, qui tollis peccata mundi, Mi-  
 serere nobis.  
 v̄. Christe audi nos.  
 R̄. Christe exaudi nos.

Ora pro nobis.

Kyrie



Kyrie eleyson.

Christe eleyson.

Kyrie eleyson.

Ÿ. Ora pro nobis sancte Pater Romualde,

℞. Ut digni efficiamur promissionibus  
Christi.

O R E M U S.

**O**Mnipotens sempiterne Deus, qui beatissimi Anachoretæ tui ROMUALDI, mentem tantis Divini luminis radiis illustrare dignatus es, ut perfectæ solitariæ vitæ excogitator extiterit, normamque in tui laudem jugiter servandam, in cacumine montis Apennini mirabiliter instituerit: Concede, quæsumus, nobis ejus alumnis quos in Nomine tuo genuit, tanta animi puritate in via præceptorum suorum versari, quatenus à terreno, ad æternum Montem, in quo tecum habitat, purificati conscendere valeamus. Per Dominum, &c.

Deus, qui famulum tuum Romualdum Abbatem spretis caducis gaudiis hujus vitæ ad Confessionis gloriam sublimasti; Fac nos quæsumus, Ipsius meritis, ab hujus mundi onere sublevatos, cœlestia omni tempore anhelare.

Fac nos quæsumus Domine beati Patris nostri ROMUALDI hinc imitari labores, ut illic Ejus gloriæ participes esse mereamur. Per Dominum nostrum, &c.

*Antiphona.*

Chare JESU! Benigne JESU! mel-  
meum dulce, desiderium ineffabile, dul-  
cedo Sanctorum, suavitas Angelorum,  
æstuans inenarrabili Divini amoris ardore  
clamabat.

ŷ. Ora pro nobis B. Pater ROMUALDE.

℞. Ut digni efficiamur promissionibus  
Christi.

O R E M U S.

**F**AMILIAM tuam quæsumus Domine beati  
ROMUALDI patrociniò confidentem  
propitius respice: ut quem Magistrum vi-  
tæ sibi delegit in terris, eundem apud Ma-  
jestatem tuam Intercessorem habere me-  
reamur in cœlis. Per Dominum nostrum  
JESUM Christum Filium tuum, qui tecum  
vivit & regnat in sæcula sæculorum, Amen.

Responsorium

AD SANCTUM ROMUALDUM.

**S**I quæris Patrociniò,  
Et Romualdi gratiam,  
Quid possit Ejus dextera,  
Fabrianenses adeas.

Obsessos & à scabie  
A bello & à contagio  
Attractos, atque pavidos,  
Pupos, amentes liberat.

San-

Sancti contactu cranii

In præsens aqua cernitur  
Morbos & incurabiles  
Sanare frequentissimè.

Obsessos & à scabie

A bello & à contagio  
Attractos, atque pavidos,  
Pupos, amentes liberat;

Gloria Patri, & Filio, & Spiritui sancto, &c.

Obsessos & à scabie

A bello & à contagio  
Attractos, atque pavidos,  
Pupos, amentes liberat.

☩. Ora pro nobis sancte Romualde.

☩. Ut digni efficiamur promissionibus  
Christi.

O R E M U S.

**D**EUS, qui famulo tuo ROMUALDO  
Abbati gratiam & virtutem super æ-  
gros ac dæmones conferre dignatus es :  
Supplicationes nostras benignus aspice, ut  
Ejus meritis & intercessione omnem crea-  
turam à nefariis spiritibus, & ab omni cor-  
poris & animæ infirmitate liberare ac præ-  
servare digneris. Per Christum Dominum  
nostrum, &c. Amen.

*Hymnus*

Ad eundem pro infirmis &  
dæmoniatis.

In ægrotos & cōmotos  
**O**Rci vehementiâ  
ROMUALDO sit ex alto  
Quæris, quæ potentia?

Hoc ut scias, prēde vias  
Fabrianum, illius  
Haud obscura sepultura  
Sole dabit clariùs.

Lumen ibi, cæcus sibi  
Gressum claudus recipit  
Prece Ejus, ibi DEUS  
Monstra stygis ejicit.

Adhuc ita, is in vita  
Novit stygem cogere,  
Etsi vices hæc ultrices  
Nōsset illi reddere:

Ejus crura mole durâ  
Noctu dæmon occupat,  
Quinque annos, malè sanos,  
Artus ubi decubat;

Unus mente, alter dente  
Furiosus deficit:  
Hunc palpando, osculando  
Illum, eccè reficit:

Puer plangit , styx quem angit  
Sed dat panem tenuem  
Benedictum , maledictum,  
Quô fugavit dæmonem.

Parùm Ejus , quô se meus  
Tergit Pater laticis,  
Infirmantes , ægrotantes  
Sanat ábsque medicis :

Dum ingressus vir obsessus  
Inclyti Sacrarium,  
Ex obscuro , videt muro  
Illius cilicium ;

Dæmon gemit : hoc me premit.  
Imò hinc in tartara  
Me detrudit , sic illudit  
ROMUALDUS infera.

DEUS bone ! interpone  
ROMUALDI merita ,  
Ab antiquo inimico  
Nos per illa libera !

Morbo lassis , mente passis  
Dura hìc certamina ,  
Robur adde , & Beatae  
Ibi vitæ præmia.

Eja date , decantate  
Summi laudes Numinis ,  
Luce sui , qui dat frui  
ROMUALDO luminis !

A M E N.

*Antiphona.*

Beatus ROMUALDUS, quosdam pane à se benedicto, nonnullus aquâ, unde manus suas abluerat, alios autem infirmos tactu languentium membrorum pristinae restituit sanitati.

Ÿ. Ora pro nobis Beate Pater ROMUALDE.

℞. Ut digni efficiamur promissionibus Christi.

O R E M U S.


**D**EUS, infirmitatis humanæ singulare præsidium, nos famulos tuos sancti ROMUALDI patrocínio confidentes propitius respice, & concede nos ità Ejus intercessione & exemplo proficere, ut ab omni vitiorum contagio liberati, perpetua mentis & corporis sanitate gaudeamus in terris, & de ejusdem societate perfrui mereamur in cœlis. Per Dominum, &c.

O R A T I O.

Ad sanctum ROMUALDUM.

**I**nclYTE Confessor Christi, Camaldulensium Pater & Dux ROMUALDE, sanctissimæ tuæ protectioni humiliter me commendo, & precor, ut ab omnibus, quæ Divinæ displicent Majestati, subtrahere me digne-

digneris : mihi que compunctionis & lachrimarum gratiam impetrare , ut salubriter defleam peccata mea ! quibus toties DEUM super omnia amabilem ad vindictam provocavi : ut eum tandem completo vitæ curriculô tecum in cœlo laudare valeam , donante Domino nostro JESU Christo , qui cum Patre & Spiritu sancto vivit , & regnat in sæcula sæculorum , Amen.



APPENDIX  
 DUPLICIS DEVOTIONIS

IN HONOREM

SANCTISSIMI PATRIS & ABBATIS

ROMUALDI.

PRIOR

PER DECEM MERCURII-

POSTERIOR

PER SEX DIES LUNÆ

Non sine singulari animæ fructu & Spiritûs profectu instituenda.

*Decendialis in honorem sancti*

ROMUALDI.



uis quis (devota & ROMUALDO addicta anima) aliquam à DEO per Eum gratiam ambit accipere , aut pro antea ipso mediante jam accepta debi-

tas cogitat rependere grates, id potest per decem gloriosæ Ejus Translationis festum præcedentes quartas commodè peragere; Per ferias quidem quartas, quia, Thaumaturgus hic Abbas Anno 1481 mo Februarii 7mo rectè in feriam quartam incidente Fabrianum (ubi usque hodie signis ac miraculis clarus jacet) summa cum solemnitate est translatus. Per decem autem & non plures, sicut etiam non pauciores, vel ex hoc desumitur capite, ut decies decem illorum (id est 100.) in extrema austeritate religiosæ & eremiticæ vitæ transactorum annorum \* convenienti à nobis pertractandorum veneratione haberetur ansa & modus.

Benè verò & ritè hanc devotionem instituere volentis munus erit, hæc, quæ sequuntur, servare puncta:

I. Singulis seorsim sumptis quartis feriis frequentandum est; Primò: SS. Pœnitentiæ & Eucharistiæ Sacramentum. Secundò: Audiendum vel celebrandum ad Altare hujus Sancti (si tempus id permittat) Sacrum. Tertiò: Dicenda etiam sunt quâvis ex his feriis die decem Pater, & Ave, cum totidem Gloria Patri, &c. Quæ per omnes illos decem dies continuata numerum

\* Petrus Damiani in vita S. Romualdi c. 69. circa finem, & Breviarium 7. Febr. in 2. Noct. Lect. 3.



rum superius memoratum Dei obsequiis impensorum centum annorum adæquant. Item, poterit dici ejus Officium parvum, Litanæ, &c.

II. Fomanda necessariò prius est conveniens cum fine ac scopo (ob quem hanc devotionem obire visum est) intentio, v. g. aliquod extirpandi vitium - mala sese liberandi consuetudine - certum eligendi vitæ statum - particularem aliquam obtinendi virtutem - in bono ad exemplum Sancti hujus perseverandi constantiam, &c.&c. Aut denique pro obtenta quadam gratia gratum exhibendi animum.

III. Piis hos intra dies vacandum operibus; quod fiet, si devotè SS. Missæ Sacrificio interfuerimus, vel ipsi devotè celebraverimus - matutinas, item & vespertinas preces - examen conscientiæ ante somnum cum aliis particularibus devotionibus ferventèr obiverimus - si nostram quisque statûs ac vitæ rationem diligentèr observaverimus - Religiosi tandem si nostras Regulas & Statuta exactè custodièrimus.

IV. Utile ac proficuum erit, quotidie ex sancti Romualdi vita (specialitèr ubi tractatur de ejus Translatione folio 1. Parte secunda) vel etiam ex alio pio codice aliquid meditari aut attentè legere.

V. Opera danda est uni vel alteri tam corporalium, quàm spiritualium bonorum misericordiæ operum actui exercendo, & hoc ad imitandum hunc Sanctum, qui totus in chatitate Dei & amore proximi fuerat.

VI. Tam internè, quàm externè sui ipsius vincendi ac mortificandi impendendum est studium v. g. gestando cilicium, corpus disciplinæ afflicto, noctem humi-cubatione traducendo, quinque præcipuè corporis sensus custodiendo, refrenando linguam, temperantiam in cibo & potu servando, ac demùm quidquid uniuscujusque proprius bonus spiritus dictabit.

Nota tamen omnia hæc mortificationis exercitia pro merito non amittendo cum scitu & sui Patris spiritualis facultate esse facienda.

VII. & ultimò: In die ipso Festi septimo Februarii incidentis in aliqua hujus Sancti Ordinis Ecclesia ( si aliter fieri potest ) confitendum est & comunicandum: nec non ad omnibus hanc devotionem peragentibus concessas Indulgentias lucrandas in Vigilia Festi, sexto nimirùm Februarii, in honorem sancti Romualdi est jejunandum.

## Forma Intentionis

*Quovis die Mercurii faciendâ.*

**O**Mnipotens æterne DEUS, cui soli omnis honor debetur & gloria, ad majorem sancti tui Nominis gloriam - in honorem Beatissimæ, semperque Immaculatæ Virginis Mariæ, & SS. P. N. Romualdi, præfertim in memoriam centum ejus annorum ad perpetuam laudem tuam, proximi fructum, & inenarrabile sanctæ Ecclesiæ emolumentum summa in austeritate transactorum - ad commemorandum demùm lætābundam illam Fabrianensem in Urbem ad sui Ordinis Divo Blasio dicatam Ecclesiam (ubi usque modò miraculis clarus quiescit) sacri Corporis Translationem inchoabo (prosequar) hodie decenalem hanc Devotionem consequendi causâ Sancti hujus interventu gratiam NN. vel ut gratias tibi præstem debitas pro accepto hoc beneficio NN. vel ut obtineam constantiam, ac perseverantiæ in bono donum.

### Ad S. ROMUALDUM.

**R**espice hæc, ô SS. Pater ROMUALDE, eaque unâ mecum Altissimo offer pro omnibus mihi collatis unquam beneficiis, & ora, ut his omnibûs, non alium ob finem, quàm



Finis & Scopus istarum sex  
Feriarum.

**C**AUSA, cur Feriam secundam elegerimus, illa nobis est, quia Beatissimus Pater ROMUALDUS die quodam Anno 1027mo in decimum nonum Junii\* incidente (qui rectè secunda erat FERIA) piè in Domino expiravit. Numerò verò sex tantum, cum sex ferè mensibus\*\* ultima sua in infirmitate ROMUALDUS ingentes admodum dolores incomparabili sustinuit patientiâ: Ad igitur hos Ejus dolores recolendos, & per eos Illius patientiam nobis (qui aliquando sub vitæ nostræ finem, multis dolorum miseriis circumdati erimus) à Deo consequendam, ac beatè hoc ex seculo migrandi obtinendam gratiam, grave nobis non sit exiguam hanc, respectu tamen resultantis exinde fructûs, magnam devotionem singulari peragere solertiâ ac fervore.

Forma & Methodus

*Intentionis quâvis secunda FERIA.  
renovandæ.*

**O**DEUS! cujus misericordiæ non est finis, & bonitatis infinitus est Thesaurus

\* Brev. Rom. 7. Febr. in 2. Noct. 3. Lect.

\*\* Petrus Dam. in ejus vita c. 69. circa medium.

rus ad perpetuam laudem tuam & gloriam, & in honorem illorum ingentium admodum dolorum, quos sanctus Confessor tuus & Abbas Romualdus sex ferè menses suum antè obitum invictâ cum patientia & integra tuam in Divinam voluntatem resignatione passus est & sustinuit: Tibi offero hanc exiguam (quam quoad posse frequenter subire cogito) devotionem:

I. Ut dignas tibi agam gratias pro omnibus inenarrabilibus gratiis & favoribus, præcipuè pro patientia illa, quam sanctissimo Patri Romualdo non solum in ultima ejus infirmitate & doloribus, verum etiam toto illius vitæ curriculo in millenis animæ & corporis adversitatibus constituto indulxisti.

II. Ad consequendum per illius intercessionem mihi (aut NN.) gratiam efficacem in omnibus adversis, præcipuè gravibus necessitatibus me (se) tibi integerrimè resignandi.

III. Ad obtinendum omnibus nobis præsertim in mortis doloribus maximè necessariam patientiam.

IV. Ad imitandum nostrum à Romualdo tenerrimè dilectum è Cruce pendentem Redemptorem JESUM Christum.

V. Denique ad impetrandum animæ è nostro corpore felicem decessum.

In hunc finem statuo quavis secunda ex his Feriâ sicut etiam in ipso SS. Patris Romualdi festo, quod in 19num Junii incidit.

I. Confiteri ac sacra Synaxi me munire.

II. Antè Altare B. Romualdo Sacrum ad colendos dolorosos Ejus sex menses orare 6. Pater & Ave, cum totidem Gloria Patri, &c.

III. Singularem è vita Sancti depromptam virtutem aliquam exercere & contrarium huic evitare vitium.

IV. Unum aliquem mortificationis subire actum.

V. Parvum Officium & Litanias sancti Romualdi præsertim tres ex infra positis orationibus dicere, & primam quidem manè, secundam in meridie, & tertiam in vespere.

## Ad S. ROMUALDUM.

**H**Æc mihi, ô sanctissime Pater & Patriarcha Romualde! in tuum honorem assumo, Tibique prece supplici offero, non dedigneris mihi esse ad supremam Majestatem Divinam Patronus benignissimus & Advocatus, ut, dum corpus meum corruptibile sub tempus morti jam proximum in lectulo dolorum decumbet integerrimæ Divinam in voluntatem resignationis - de invisibilibus hostibus meis reportandæ victoriæ-

ctoriæ - ac beatæ demùm mortis gratiâ dignus fieri merear; quatenùs ità trinum & unum Deum - Patrem - Filium & Spiritum sanctum unà tecum cœtúque cum illo sub candido Ordinis tui Vexillo in portu finem non habituræ beatitudinis positorum jam commilitonum valeam laudare, amare, colere, & adorare æternalitèr, Amen.

## PRIMA FERIA II<sup>da</sup>.

*Oratio prima Manè.*

**S**ANCTISSIMA & individua Divina Trinitas, quæ præ omnibus sancto ROMUALDO Abbati Spiritum & gratiam contulisti, perfectiorem, corpori severiorem, animæ verò diligenti te suaviorem Regulam instituenti, & nova Prole Ecclesiam sæcundandi: Concede propitiùs Eiusdem Sancti meritís, & intercessione sensuum, & hujus sæculi vanitates despicere, & sola cœlestia, & quæ tibi magis sunt placita amplecti. Per Dominum nostrum JESUM Christum Filium tuum, qui tecum vivit & regnat in unitate Eiusdem Spiritus, &c.

*Oratio secunda in Meridie.*

**O**MNIPOTENS æterne DEUS, qui beato ROMUALDO Abbati gratiam tibi centum integros annos in summa vitæ asperitate deserviendi conferre dignatus es; Miseri-



sericordissimè non dedigneris & nobis errata præteritæ vitæ suis precibus condonare, & spiritum perseverantis finalis emendationis infundere. Per Christum Dominum nostrum, &c.

*Oratio tertia Vesper.*

**O** Altitudo divitiarum Sapientiæ & scientiæ Dei, qui per beatum ROMUALDUM Abbatem, & suam Venerabilem Religionem in summitate montium coli voluisti; Concede propitiùs, ut Ejusdem Sancti potentissima protectione gaudentes à terrenis rerum inferiorum vinculis integrè solvamur, ut coacti corpore in hoc sæculo vivere, semper mente ad cœlestia aspiremus. Per Dominum nostrum, &c.

SECUNDA FERIA II<sup>da</sup>.

*Oratio prima Manè.*

**M**isericors DEUS, qui beato ROMUALDO jam ab ineunte ætate gratiam Tibi deserviendi, & Spiritum pœnitentiæ donasti, ob quem sæculum maturè & licèt Nobilis, sæculi commoditates deseruit; Concede propitiùs, ut Ejus exemplum imitemur, & Ejus intercessione optimam partem salutis nostræ eligentes mala morte non præoccupemur. Per Dominum nostrum, &c.

*Oratio secunda in Meridie.*

**C**Lementissime Domine , qui omnes vis salvos fieri , & ideò omnem illuminas hominem venientem in hunc mundum , nec deseris pios Magistros , ac ipsos Cœlites mittere ad docendum nos , ut cum sancto ROMUALDO , mittendo Divum Apollinarem & probum Religiosum ostendisti ; Præsta , ut cum omnes docibiles sint Dei futuri , & nos utriusque interventu donum docilitatis , ac præmia æterna consequi valeamus. Per Dominum nostrum , Amen.

*Oratio tertia Vesperis.*

**Æ**Ternæ salutis amator & dator , qui præcepisti eos , qui Sancti sunt , ut sanctificentur adhuc magis , nè dum non proficerent , deficerent ; Præsta , ut intercedente beato ROMUALDO Abbate , qui sub sancti Marini Anachoratae directione majorem perfectionem , & magis severam vitam , quam quærebat , adeptus est ; Nos utriusque precibus nunquam desistamus à timore Dei , & diffidentia nostrî , sed semper de virtute ad virtutem proficiamus , donec spiritum in manus Domini emiserimus. Qui vivit & regnat , &c.

TERTIA FERIA II<sup>da</sup>.

*Oratio prima manè.*

**T**ibi soli DEUS & omnia! notæ sunt innu-  
merabiles Satanæ in homines insidiæ,  
& hominum etiam piorum non rarò defe-  
ctus ac invidia, quos sæpè in se concitatos  
acriter Divus ROMUALDUS Abbas expertus  
fuit, & neminem in te sperantem deseris:  
Concede, ut illius intercessione ac exem-  
plo humiles fiamus, & magis assiduè ora-  
tionibus, eleemosinis, jejuniis, aliisque  
mortificationibus, ac cœlestium medita-  
tionibus incumbamus. Per Dominum, &c.

*Oratio secunda in Meridie.*

**D**ominus meus & DEUS meus, qui cor  
contritum & humiliatum nunquam  
despicis, & hilarem datorem diligis: Con-  
cede propitiùs, ut per lachrimas & hilari-  
tatem solitam ac merita Divi ROMUALDI  
Abbatis nostras culpas abluere, & cœleste  
vitæ spiritualis gaudium, quod valdè ma-  
jus est omni terreno nunc & in perpetuum  
degustare valeamus. Per Dominum, &c.

*Oratio tertia Vesperis.*

**O**ptime DEUS, qui servo tuo ROMUALDO  
inter innumeras gratias etiam sortem  
sterilibus fœcunditatem impetrandi donâ-  
sti;

sti; Quæsumus, ut ad tuum honorem numerus fidelium augeatur, & sicut Principes & Monarchas olim ad sanctum ROMUALDUM, dum vivebat, recurrentes exaudisti, nunc prodigia tuæ pietatis in his summis calamitatibus ad melius tuæ sanctæ Religionis Eiusdem sanctis precibus renovare & repetere non dedigneris. Per Dominum nostrum JESUM Christum, &c.

## QUARTA FERIA II<sup>da</sup>.

*Oratio prima Manè.*

**O**Mnipotens sempiterne Deus, qui infinitam misericordiam tuam parcendo maximè manifestas; Concede propitiùs, ut, qui per beatum ROMUALDUM multos ab illecebris mundi ad solitudinem traxisti, & nos illius precibus & exemplo per veræ poenitentiae fructus, ad montem, qui Christus est, perducamur. Qui vivis & regnas, &c.

*Oratio secunda in Meridie.*

**D**Eus, qui ignem charitatis tuæ mittis, ut accendatur, vehementèr in nobis, illum accende, & quod corde & ore profitemur, moribus, ac ipso amore ad exemplum Divi ROMUALDI Abbatis Martyrii cupiditate flagrantis nobis hujus interventu largire testari. Per Christum Dominum, &c.

*Ora-*

*Oratio tertia Vesperi.*

**M**irabilis & sanctissime DEUS, qui cuncta suaviter & fortiter bene disponis, quique Beato ROMUALDO Abbati animo Martirii gloriam adipiscendi in Pannoniam proficiscenti, augeri permittebas & recedenti minuebas, illius sub protectione in adversis & prosperis fac nos tuæ semper integre voluntati conformes. Per Dominum nostrum JESUM Christum Filium tuum, &c. Amen.

QUINTA FERIA II<sup>da</sup>.

*Oratio prima Manè.*

**Æ**terne DEUS, qui innumeris miraculis in vita, & post mortem sanctum ROMUALDUM Abbatem decorasti; Hujus intercessione ab omni peccato nos custodi, & ad Paradisum perducere digneris. Per Dominum nostrum, &c.

*Oratio secunda in Meridie.*

**D**eus Abraham, Isaac, & Jacob, qui Spiritum Prophetiæ Divo ROMUALDO Abbati dedisti, hujus meritis, & precibus reple nos virtutibus cardinalibus, moralibus, & Theologicis, ut decenter in præsenti vita Tibi serviamus, & ad futura providè aptemur. Per Dominum nostrum, &c.

*Oratio tertia Vesper.*

**D**EUS, qui Beato ROMUALDO Abbati Scalam à terra in cœlum pertingentem in similitudinem Jacob Patriarchæ, per quam Camaldulenses sui Ordinis candida veste ascendebant, & descendebant, videre concessisti; Quæsumus, ut illius auxiliô per frequentes meditationes mente ad cœlestia dirigamur, & descendentes vivè per considerationem in gehēnam, in hanc mortui non decidamus, sed in sortem electorum misericorditèr admittamur. Per Dominum nostrum JESUM Christum Filium tuum, qui tecum vivit & regnat, &c. Am.

SEXTA FERIA II<sup>da</sup>.*Oratio prima Manè.*

**P**RÆSTA quæsumus omnipotens DEUS, qui tempus pretiosissimum donâsti ad tutiùs & majorem æternitatis gloriam mercandam, quique cuiusque momenti ut & cuiuscunque verbi otiosi Judex & exactor strictissimus es futurus: ut exemplo sancti ROMUALDI Abbatis, qui centum & viginti annos vivens semper dignè in tuo famulatu illud impendit, & nos illius precibus, & præteritum redimere, & modicum, quod superest, quoad tibi magis placuerit, impendere, ac linguam & cogitationes nostras

stras moderari. Per Dominum nostrum  
Jesum Christum, &c.

*Oratio secunda in Meridie.*

**D**Eus, qui nec capillos de Sanctis tuis  
deperdi sinis, & corpori sancti RO-  
MUALDI Abbatis etiam post mortem incor-  
ruptionem donasti; Sub Eiusdem prote-  
ctione dona nobis impuritatum nugas, sor-  
des & dedecora semper spernere, & ad cho-  
rum Virginum, & pœnitentium, ac Ange-  
lorum pervenire. Per Christum, &c.

*Oratio tertia Vesper.*

**H**Umilium celsitudo, & superborum de-  
pressor, qui sæculi honores, & onera proprio exemplô in Eremito fugere do-  
cuisti, ac tui Imitator egregius Divus RO-  
MUALDUS Abbas ad Ottonis Cæsaris repe-  
tita preces, ac mandata non nisi invitus  
Abbatem se consecrari permisit: Concede  
propitiùs, ut nos incomparabiliter minùs  
alienæ directioni apti, quominùs nostris pas-  
sionibus, sensibus, ac potentiis dominamur,  
eos rationi, & hanc DEO submittendo, ac  
minùs nobis commissis invigilamus, cun-  
cta suaviter & fortiter, prudentèr & aman-  
tèr providendo, minùsque strictam pro-  
priæ & alienæ salutis rationem tardo & se-  
vero Redditori nos reddituros perpendi-  
mus,

mus, concede propitiùs, ut veram humilitatem & DEI voluntatem semper solùm quæramus. Per Christum Dominum nostrum, Amen.

*Advertendum.*

**Q**uod si quis certis ex causis nollet, aut non posset has decem, quartas - vel sextas Ferias secundas peragere, ille posset tamen decem Translationis Festum antecedentes dies, vel sex imediatè continuos ante diem obitùs commodè sua pro devotione sibi eligere, & tunc esset omninò observandum, quod superiùs in utriùsque Devotionis methodo traditum fuit, præterquam quod primò & ultimò, nec non aliquo intermediò die (decennam peragentes) confiteri & communicare deberent.





ni-  
m  
o-

ut  
el  
et  
e-  
os  
o-  
b-  
e-  
r-  
i-  
a-

